

堯山堂外紀

堯山堂外紀卷六十

晉陵蔣仲舒編

宋

周必大

字子克初學洪道黑髮謝政自號平園老叟夫人妬公有媵夫人縻之庭

公過之當炎暑以渴告公以毫水酌之夫人窺于屏曰好箇相公為婢取水公笑曰

獨不見建義井者乎

周益公入直詩云綠槐夾道集昏鴉敕使傳宣坐
賜茶歸到玉堂清不寐月鈞初上紫薇花公被

召凡二一為乾道七年七月二十六日昏時召
入草王炎除樞密使麻一為淳熙丙申八月庚
辰昏時召入草立謝后制俱四鼓乃還此詩之

作蓋卽此二時也

金蓮燭送歸院人知有蘇軾不知有王珪按周必大玉堂

雜記孝宗召侍讀史浩歸宴澄碧殿抵暮送以金蓮燭宿玉堂直廡史進古詩三十韻有金蓮引雙燭再拜離階祀之句上命必大和以進則金蓮之送宋時蓋有三人

淳熙中孝宗及皇太子朝上皇于德壽官置酒賦
詩從臣皆和周益公詩云一丁扶火德三合輦

皇基蓋高宗生於大觀丁亥孝宗生于建炎丁未光宗生于紹興丁卯故也陰陽家以亥卯未為三合一時用事可謂切當其後楊誠齋為光宗宮僚時寧宗已在平陽邸其賀壽詩云祖堯父舜真千載禹子湯孫更一家又云天意分明昌火德誕辰三世總丁年祖益公語

周必大嘗自德壽宮後垣趨傳法寺望見一樓巍然朝士云太上名之曰聚遠而自題其額仍于

屏間大書東坡詩云賴有高樓能聚遠一時收
拾與閑人又過冷泉亭徘徊久之後作端午帖
子云聚遠樓頭面面風冷泉亭下水溶溶人間
炎熱何由到真是瑤臺第一重

汪應辰

字聖錫紹興乙卯狀元初名洋帝以昭陵八年狀元王拱辰年實相似改

賜名

喻子材樗為玉山尉授諸子學有兵在側言弓手
汪某子頗知讀書可使侍筆硯呼視之狀貌偉

然不類常兒問能屬對否曰能出云馬蹄踏破
青青草汪應聲曰龍爪拏開白白雲喻大驚異
曰它日必為偉器留授之學且許妻以子云

汪應辰十歲能詩游鄉校郡博士戲之曰韓愈十
三而能文今子奚若應辰答曰仲尼三千而論
道惟公其然未冠首貢鄉舉試禮部居第八御
試擢第一時年十八

汪聖錫為秘書監食罷會茶一同舍就枕不起或

戲之曰宰予晝寢於予與何誅衆未有言汪曰
有一對雖於今事不切然却是一箇出處云子
貢方人夫我則不暇同舍合辭稱美

王十朋

字龜齡與胡憲馮方查
篤李浩為太學五賢

紹興丁丑正奏名第一王十朋特奏名第一李三
錫時宗室子覲居榜尾不樂或戲之曰舉頭雖
不窺王十伸脚猶能踏李三

王梅溪守泉州初抵任會七邑宰躬勸卮酒歷告

以愛民之意出詩示之云九重天子愛民深令
尹宜懷惻隱心今日黃堂一杯酒使君端為庶
民斟邑宰皆感動

天台有石橋碑乃五百尊羅漢洞口也王十朋詩
云石橋未到神先到日裏還同夢裏時僧教我
名劉道者前身曾寫石橋碑

范成大

字至能號石湖居士石湖在蘇州盤
門外西南十里大湖之派范蠡從此

入公宅

其間

淳熙中范至能使北孝宗令口奏金主謂河南乃宋朝陵寢所在至能乃自為一書至虜庭納之袖中既跪進國書伏地不起徐出袖中書奏曰臣來時大宋皇帝別有聖旨難載國書令臣口奏臣今謹以書述書既上傳宣使人就館至能再拜而退守吏微言有羈留之議乃賦詩曰萬里孤臣致命秋此身何止一浮漚提携漢節同生死休問羝羊解乳不既而得報書還上嘉其

不辱命由是超擢以至大用

范石湖帥蜀上巳日大燕樂語僚佐撰呈皆不愜
意有石生者一聯云三月三日豈無長安麗人
一詠一觴載講山陰禊事公心肯之

范至能作炭頌予病衰大冬非附火不暖旣銘被
爐又作炭頌燔木不灰化為精堅是表至陽維
火之傳雪霏六虛冰寒九淵環堵之室天不能
寒有赫神物幹流化。尺璧寸珠固功汗顏我

維德之莫之名言。既燠既，不與之窮年。

曹操疑塚七十二在漳河上。北人歲為增封。范石

湖奉使過之。題詩云：一棺何用塚如林。誰復如

公負此心。歲歲蕃酋為封土。世間隨事有知音。

時俞應符亦有詩云：生前欺天絕漢統，歿後欺人設疑塚。人生用計歟，即休安有餘機。到丘壟，衆人皆疑我，不疑我有一法。君未知直，須盡發疑塚七十二，必有一塚藏君屍。

范石湖重九日行營壽歲之地賦詩曰：家山隨處

可松楸。荷鍾携壺似醉劉。縱有千年鐵門限，終

須一箇土饅頭。

楊萬里

字廷秀號誠齋乾淳間詩人稱誠齋范石湖及陸放翁為巨擘子長孺字

伯子號東山潛夫

揚誠齋丞零陵時有絕句云梅子流酸澣齒牙芭蕉分綠上牕紗日長睡起無情思閑看兒童捉柳花張紫岩見之曰廷秀胸襟透脫矣

揚誠齋在零陵日過野寺見壁間有山谷親筆一詩誦三過欲歸書之後只記其一聯云春將國

山僧夕照卷六十一
艷薰花骨日借黃金縷水紋每玩賞之

揚誠齋送談星許季升詩云許子儒冠怨誤身。如今投筆說星辰。未須道我何時貴。且道何時子得貧。

揚誠齋贈抄經頭陀詩云刺血抄經奈若何。十年依舊一頭陀。袈裟未着言多事。着了袈裟事更多。僧有住山者或謀換之僧乃掛草鞋于方丈前題詩而去詩曰方大前頭掛草鞋流行坎止任安排老僧脚底從來闊未必能騰說此埋或謂揚詩可為士人筮進解褐之規僧詩可為

士人勇退
拙著之法

吾郡天慶觀畫龍太平寺畫水時稱二絕凡四方
來者道出毘陵必迂路而觀烏龍蓋姑蘇道士
李懷仁所畫懷仁酒豪不羈呼龍松江之上狎
而觀之遂畫龍入神品過毘陵天慶觀大醉索
墨漿數斗曳笞帶裂巾袂濡墨號呼奮擲斯須
龍成觀者辟易懷仁後不知所終水則郡人徐
友畫清濟貫河一筆紆遶長數十丈不斷却立

而觀濤瀾洶涌目為之眩仰首近之凜然若飛
流之濺於面也淳熙間楊誠齋為郡守一日至
寺為賦畫水長句曰碎如雪色一丈許徐生畫
水纔盈堵橫看側看只麼是分。明是畫不是水。
中有清濟一線波橫貫萬里濁浪之黃河雷奔
電卷儘渠猛獨清元自不隨它波痕盡處忽掀
一怒攪動一河秋水暮分明是水不是畫老眼向
來原自誤佛盧化作金拖樓。銀山雪堆風打頭。

是身飄然在中流。奪得太乙蓮葉舟。

梁溪尤延之

素

博洽工文與楊誠齋為金石交淳

熙中誠齋為秘書監延之為太常卿又同為青
宮寮案二公皆善謔延之嘗言有一經句請秘
監對曰楊氏為我誠齋應聲曰尤物移人眾皆
歎其敏確

楊誠齋嘗戲呼尤延之為蝥蟬

寄詩有戈文却日
玉無價寶氣蟄物

余欲流句亦延之呼誠齋為羊

每書問往來延
之則曰羔兒無

恙誠齋則曰
彭越安在

一日食炙白腸延之曰秘監錦心

繡腸亦為人所食誠齋笑吟曰有腸可食何須
恨猶勝無腸可食人世稱蟹類為無腸公子一
坐大笑及延之卒誠齋祭文云齊歌楚些萬象
為挫瓊瑋詭譎我倡公和放浪諧謔尚友方朔
巧發捷出公嘲我醉

楊誠齋與梅晦菴善晦菴病足誠齋以詩戲云晦
菴若問誠齋叟上下千峰不用扶晦翁覽而笑

一曰我病在脚不若誠齋病在口耳也

慶元間楊誠齋以秘書監退休有小園在南溪上
新開九徑江梅海棠桃李橘杏紅梅碧桃芙蓉
九種花木各植一徑命曰三三徑因賦詩曰三
徑初開是蔣卿再開三徑是淵明誠齋奄有三
三徑一徑花開一徑行時周益公以宰相退休
訪誠齋于南溪畱詩云楊監全勝賀監家賜湖
豈比賜書華回環自闢三三徑頃刻能開七七

花門外有田供伏臘。望中無處不煙霞。却慙下
客非摩詰。無畫無詩只謾誇。誠齋和云相國來
臨處士家。山間草木也光華。高軒行李能過李。
一。小隊尋花到浣花。畱贈新詩光奪月。端令老子
氣成霞。未論歲去傳貽厥。拈向田夫野老誇。好
事者繪以為圖。誠齋用魏野詩翻案題其上云
平叔曾過魏秀才。何如老子致元台。蒼松白石
青苔徑。也不傳呼宰相來。

楊誠齋退休時年未七十有終焉之意嘗自贊曰
江風索我吟山月喚我飲醉倒落花前天地為
衾枕又云青白不形眼底雖黃不出口中只有
一罪不赦唐突明月清風後有詔起用誠齋力
辭其門人羅永年椿寄詩云不愁風月只憂時
髮為君玉卮亦絲司馬要為元祐起西樞政坐
壽皇知苦辭君命驚凡子洪對梅花更與誰夢
繞師門三稽首起敲冰硯訴相思誠齋擊節

楊誠齋月下傳杯詩云老夫渴急月更急酒落杯
中月先入領取青天併入來和月和天都蘸濕
天饒愛酒自古傳月不解飲真浪言舉杯將月
一口吞舉頭見月猶在天老夫大笑問客道月
是一團還兩團酒入詩腸風火發月入詩腸冰
雪潑一杯未盡詩已成誦詩向天天亦驚焉知
萬古一骸骨酌酒更喬一團月每對人誦此詩
曰天此作自謂彷彿李太白

誠齋名酒之和者曰金盃露助

若曰椒花雨其受耕
花雨甚于金盤露

客有饋誠齋以臘彘肩者答詩曰老夫畏熱飯不
能先生饋肉香傾城霜刀削下黃水精月斧斫
出紅松明。若家猪紅臘前作。是時雪後吳山脚。
公子彭生初解縛。糟丘挽上凌煙閣。却將一鱗
配兩螯。世間真有揚州鶴。

嘉定間楊伯子為湖州守治聲赫然郡人相與肖
像祠于學宮與工部尚書戴少望並祠伯子意

不悅會除浙東庾節將行辭先聖禮畢與校官
諸生坐講堂命取所祠畫像題詩其上云面有
憂民色天知報國心三年風月少兩鬢雪霜深
更莫畱形迹何曾廢古今不如隨我去相伴老
山林遂卷箴而行當時士子有戲和其詩者末
句云可憐戴工部獨樹不成林

伯子每對客言
士大夫清庶便

是七分人了
世多稱之

楊東山帥番禺日漕倉市舶三使者皆閩浙人酒

邊各盛言其鄉里果核魚蝦之美因問東山鄉
里何產東山曰他無所產但產一歐陽子三公
笑且慙

楊東山帥番禺日長泰黃子信調新會鹽場東山
以其老榜心易之嘗招撫其簿書子信將拂衣
去投以詩云六年兩度拜宸旒換得青衫上白
頭飛鵲只因魚樹繞窮猿何暇擇林投明知暑
脚當來誤幾欲抽身不自由安得有錢了官債

任無三徑也歸休東山得詩恨知之之晚

子信嘉定

四年中特科第
二人有敬翁集

楊東山帥番禺將受代有俸錢七百萬緡盡以代
下戶輸租有詩云兩年枉了鬢霜華照管南人
沒一些七百萬緡都不要脂膏留放小民家又
別石門詩云石門得得泊歸舟江水依依別故
戾擬把片香投贈汝這面欲帶忘來休

吳隱之
守五羊

歸舟有香一片投石
門江中詩用此事

朱熹

晦菴先生

朱韋齋晦菴先生父也。酷信地理，嘗招山人擇地。問富貴何如其人，父之答曰：富也只如此，貴也只如此。生箇小孩兒，便是孔夫子。後生晦菴果為大儒。文公為同安主簿，口民有以力強得人善地者，索筆題曰：此地不寬，是無地理。此地若靈，是無天理。後得地之家不昌。

蔡元定博學通術，數游朱晦翁之門。晦翁以道學不容於時，胡紘、章疏併及蔡，謂之妖人，坐謫道。

州以成蔡善地理每與鄉人卜葬改定其間吉
凶不能皆驗及貶有贈詩者曰掘盡人家好丘
隴寬魂欲訴更無由先生若有堯夫術何不先
言去道州

蔡元定之子沉晦翁婿也晦翁嘗訪沉不遇其女
出葱湯麥飯畱飲食之臨別女謂以此二者簡
藝不安晦翁畱詩曰葱湯麥飯兩相宜葱養丹
田麥療饑莫謂此中滋味薄前村猶有未炊時

天台營妓嚴幼芳善琴奕歌舞絲竹書畫唐仲友守台日酒邊嘗命幼芳賦紅白桃花卽調如夢令云道是梨花不是道是杏花不是白白與紅紅別是東風情味曾記曾記人在武陵微醉仲友賞之雙縑其後朱晦菴以使節行部至台欲撫仲友罪遂指其與蓋為濫繫獄月餘蓋雖備受箠楚而一語不及唐獄吏誘使早認蓋答云身為賤妓縱與太守有濫罪亦不至成然妄

言以汚士大夫則成不可誣也於是再痛杖之
仍繫于獄兩月間一再受杖委頓幾死而聲價
愈騰至徹阜陵之聽未幾朱改除而岳霖商卿
為憲憐之命作詞自陳蟲口占卜筮子云不是
愛風塵似被前緣誤。落花開自有時。總賴東
君作主去也。終須去住也。如何住。若得山花插
滿頭。莫問奴歸處。岳喜即日判令從良而宗室
納為小婦以終身焉。

巖幼芳嘗七夕宴集坐有謝元卿者豪士也固命
之賦詞以已姓為韻酒方行而已成鵲橋仙云
碧梧初出桂花纔吐池上水花微謝穿針入在
合歡樓正月露玉盤高瀉 蛛忙鵲懶耕慵織
倦空做古今佳話人間別道隔年期想天上方
纔隔夜元卿為之心醉畱其家半載盡客囊臺
饋贈之而歸

劉光祖

字德修號後溪蜀之簡州人有鶴林
文集時籍偽學未熹等五十九人光

祖與
馬

劉光祖醉落魄辭云春風開者一時還共春風謝
柳條送我今槐夏不飲香醪辜負人生也 曲
塘泉細幽琴寫胡牀滑筆應無價日遲睡起簾
鈎挂何不歸與花竹秀而野

謝希孟

陸象山
門人

謝希孟少豪俊在臨安狎娼陸氏象山責之曰士
君子乃朝夕與賤娼女居獨不愧於名教乎希

孟但敬謝而已他日復為娼造鴛鴦樓象山聞之又以為言希孟曰非特建樓身為作記象山喜其文不覺曰樓記云何卽口占首句云自遜抗機雲之歿而天地英靈之氣不鍾於男子而鍾於婦人象山知其侮已默然

謝希孟一日在妓所恍然有悟忽起歸興不告而行妓追送江滸悲戀而啼希孟毅然取佩巾書一詞與之云雙漿浪花平夾岬青山鎖你自歸

家我自歸說着如何過。我斷不思量你莫思量。
我將你從前與我心付與他人呵。

謝希孟與鄉人陳伯益好相調戲。伯益面黑而狹
多髯。希孟入其書室見寫真掛壁上。題云伯益
之面。大無兩指髭髯。不仁侵擾乎。其旁而不已。
於是乎伯益之面所餘無幾。此語喧傳。伯益病
之。而莫能報。希孟後避寧宗諱。改名直。字古民。
伯益於是以前句咏其名曰炊餅擔頭挑取去。

白衣鋪上。喝將來聞者笑倒。

陳伯益又嘗寫真衣。阜道服躡僧屨。謝希孟贊之。
曰。禪鞵俗人鬚鬢。道服儒巾面皮。秋水長天一
色。落霞孤鶩齊飛。

真德秀

字希元。本姓慎。宋時避廟諱。其謹。孝宗諱音。故改姓真。

真希元會試於行都。祈夢于吳山梓潼廟。題其鼓
曰。大扣則大應。小扣則小鳴。我來一扣動。五湖
四海聞其聲。是夜得吉夢。其年果及第。

真西山帥湖南宴十二邑宰于湘江亭作詩曰從
來官吏與斯民本是同胞一體親既已脂膏供
爾祿須知痛癢切吾身此邦素號唐朝古我輩
當如漢吏循今日湘亭一杯酒便煩散作十分
春

真西山帥湖南潭人為立生祠一夕有題于壁云
舉世知公不愛名湘人苦欲置丹青西方又出
一活佛南極今添兩壽星幾下十方鍾間氣八

千春願祝修齡。不須更作生祠記。四海蒼生口
是銘。

真西山越山新居成名其齋曰學易春帖子云坐
看吳越兩山色。默契羲文千古心。

李功甫謁真西山丐詞科文字西山留之小飲書
房指竹夫人使作制功甫援筆立成未聯云保
抱携持朕不忘。兩夜之寢展轉反側爾尚形四
方之風。西山歎賞。蓋八字用詩書全語。皆婦人

事而形四方之風。又見竹夫人玲瓏之意。其中
頌德云。常居大夏之間。多為涼德之助。剖心析
肝。陳數條之風刺。自頂至踵。無一節之瑕疵。

端平間。真希元應召而起。百姓仰之。若元祐之仰
涑水也。時楮輕物貴。市井囁喁為之語曰。若要
百物賤。直待真直院。及入朝進對。首以正心誠
意為言。愚民無知。以為不切時務。遂續前語曰。
喫了西湖水。打作一鍋麪。繼參大政。未及有所

建置而夢

魏了翁督山亦未及有經略而罷臨安優人裝一生儒手持一鶴別一生

儒與之邂逅問其姓名曰姓鍾名庸問所持何物曰大鶴也因傾蓋雍然呼河對飲其人有大嚼洪吸酒內靡有子遺忽顛仆于地羣數人曳之不動一人乃叱其頰大罵曰說甚中庸大學契了許多酒食一動也動不得遂一笑而罷或謂有使其為此以媚侮君子者京尹乃悉歸其人

堯山堂外紀卷六十終

堯山堂外紀卷六十一

晉陵蔣仲舒編

宋

陸游

字務觀，母憂，秦少游而生，故名。其字而字，其名當時稱曰書監韓平原，嘗招致之所作南園閨古泉二記，時雖稱頌，而有規勸之意，故平原敗備得免禍。

陸務觀恃酒頽放，因自號放翁。作詞云：橋如虹，水如空，一葉飄風煙雨中。天教稱放翁，又感舊鵲橋仙曰：華燈縱博，雕鞍馳射，誰記當年豪舉。酒

徒一半取封侯獨去作江邊漁父
輕舟八尺
低蓬三扇占斷蘋洲煙雨鏡湖元自屬閒人又
何必官家賜與

陸放翁一夕夢一故人相語曰我爲蓮花博士鏡
湖新置官也我去矣君能暫爲之乎月得酒千
壺亦不惡也遂以詩記之曰白首歸修汗簡書
每因囊粟歎侏儒不知月給千壺酒得似蓮花
博士無

陸放翁初調官臨安有詩云小樓一夜聽春雨深
巷明朝賣杏花。都人稱誦傳入禁中。思陵稱賞
由是知名。

陸務觀初娶唐氏於其母夫人爲姑姪伉儷相得
而弗獲於其姑因出之唐改適同郡宗子嘗春
日出游相遇於禹跡寺南之沈氏園唐以語趙
遣致酒殽陸悵然久之爲賦釵頭鳳詞題園壁
云紅酥手黃藤酒滿城春色宮牆柳東風惡歡

情薄。一懷愁緒。幾年離索。錯錯錯。春如舊。人空瘦。淚痕紅。浥鮫透。桃花落。閒池閣。山盟雖在。錦書難托。莫莫莫。唐見而和之。有世情薄。人情惡之句。未幾快快而卒。聞者爲之愴然。

陸放翁自沈園邂逅終不能忘情。唐氏每過沈園必登寺眺望賦二絕句云。落日城頭畫角哀。沈園非復舊池臺。傷心橋下春波綠。曾見鷺鷥照影來。夢斷香消四十年。沈園柳老不吹綿。此身

行作稽山土猶弔遺踪一泫然唐旣歿沈園亦
三易主矣悵然有懷復有詩云楓葉初丹榭葉
黃河陽愁鬢怯新霜林亭感舊空回首泉路憑
誰說斷腸壞壁醉題塵漠漠斷雲幽夢事茫茫
年來妾念消除盡回向蒲龕一炷香嗣後夢遊
沈氏園又作兩絕云路近城南已怕行沈家園
裏更傷情香穿客袖梅花在綠蘸寺橋春水生
城南小陌又逢春只見梅花不見人玉骨久成

泉下土墨痕猶鎖壁間塵

陸放翁在蜀有所盼嘗賦詩云金鞭珠彈憶春遊
萬里橋東卷畫樓。夢倩曉風吹不斷。書憑春鴈
寄無由。鏡中顏鬢今如此。席上賓朋好在否。篋
有吳箋三百幅。擬將細字寫新愁。又云喪馬清
狂錦水濱。是繁華地作閒人。金壺投箭消長日
翠袖傳盃領好春。幽鳥語隨歌處拍。落花鋪作
舞時茵。悠然自適君知否。身與浮名孰重輕。

陸放翁贈徐相師詩云許負遺書果是非子憑何
處說精微使君豈必如柳大丞相元來要瓠肥
袖潤日長籠短刺肩寒春未換單衣半頭布袋
挑詩卷也道游京賣術歸

陸放翁贈猫詩云果鹽迎得小狸奴盡護山房萬
卷書慚愧家貧策勲薄寒無氈坐食無魚劉後
村託諷在位諸人乃翻案云古人養客乏車魚
今汝何功客不如飯有溪魚眠有氈忍教鼠齧

案頭書

陸放翁嘗問高似孫曰比在都城見綵帛鋪榜曰翠色真紅殊不曉所謂紅而曰翠何也似孫曰嵇康琴賦曰新衣翠燦纓徽流芳班婕妤好自傷賦曰紛翠燦兮紈素聲翠燦取鮮明也東坡牡丹詩云一朵妖紅翠欲流蓋取卿語放翁擊節大喜

陸務觀司馬公布被銘公孫丞相布被人曰詐司

馬丞相亦布被。人曰儉。布被可能也。使人曰儉。不曰詐。不可能也。

姜夔

字堯章。趙子固目爲書家。申韓。

姜堯章居苕溪與白石洞天爲鄰。潘德久號之曰白石道人。且畀以詩云。世間官職似樗蒲。采到枯松亦大夫。白石道人新拜號。斷無綴駁任稱呼。姜荅詩云。南山仙人何所食。夜夜山中煮白石。世人喚作白石仙。一生費盡不費錢。仙人食

罷腹便便七十二峯生肺肝

時姜與黃岩老同學詩於蕭千岩而

黃亦號白石時稱双白石蕭名海藻字東夫妻其婿也

小紅順陽公青衣也有色藝順陽公請老姜堯章
詣之一日授簡徵新聲堯章製暗香疎影兩曲
公使二妓肄習之音節清婉堯章歸吳興公尋
以小紅贈之其夕大雪過垂虹賦詩曰自喜新
詞韻最嬌小紅低唱我吹簫曲終過盡松陵路
回首烟波十里橋堯章每喜自度曲吟洞小

紅輶歌而和之

姜堯章詩夜暗歸雲繞柁牙江涵星影鴈團沙行
人。帳。望。蘇。臺。柳。曾。與。吳。王。掃。落。花。楊。誠。齋。喜。誦
之。

嚴州烏石寺在高山上有岳武穆飛張循王俊劉

太尉光世題名劉不能書令侍兒代書姜堯章

題詩云諸老凋零極可哀尚留名姓壓崔嵬劉
卽可是疎文墨幾點燕支浣綠苔

姜堯章詠蟋蟀齊天樂詞曰庾郎先自吟愁賦。淒淒更聞私語。露濕銅鋪。苔侵石井。都是曾聽伊處。哀音似訴。正思歸無眠起。尋機杼。曲曲屏山。夜涼獨自甚情緒。西窓又吹暗語。爲誰頻斷續。相和砧杵。候館吟秋。離宮吊月。別有傷心無數。邠詩漫與笑。籬落呼燈。世間兒女。寫入琴絲。一聲聲更苦。

史達祖

字邦卿
號梅溪

史邦卿雙雙燕詞姜堯章極稱賞之謂曲盡形容
之妙詞曰過春社了度簾幕中間去年塵冷差
池欲住試入舊巢相並還相雕梁藻井又軟語
商量不定飄然快拂花梢翠尾分開紅影 芳
徑芹泥雨潤愛貼地爭飛競誇輕俊紅樓歸晚
看足柳昏花暝應自棲香正穩便忘了天涯芳
信愁損翠黛雙蛾日日畫欄獨凭

史邦卿春雨綺羅香詞曰做冷欺花將煙困柳千

里偷催春暮盡日冥迷愁裏欲飛還住驚粉重。
蝶宿西園喜泥潤燕歸南浦最妨他佳約風流
鈿車不到杜陵路。沉沉江上望極還被春潮
急難尋官渡隱約遙峯和淚謝娘眉嫵臨斷岸
新綠生時是落紅帶愁流處記當日閑掩梨花
剪燈深夜語。此詞尤爲姜堯章拈出。

高觀國

字賓王辭名竹屋癡語陳造爲序
稱其與史邦卿皆是不經人道語

高竹屋詠轎街街行云藤筠巧織花紋細稱穩步

如流水踏青陌上雨初晴。嫌怕溼文鴛。雙履要
人送上。逢花須住。繞過處。香風起。裙兒掛在
簾兒裡。更不把。窓兒閉。紅紅白白。簇花枝。恰稱
得。尋春芳意。歸來時。晚紗籠引道。扶下人微醉。
高賓王聞鄰女吹笛賦。風入松詞曰。粉嬌曾隔翠
簾看。橫玉聲寒。夜深不管柔荑冷。櫻朱度香噴
雲鬟。霜月搖搖吹落。梅花款款驚殘。蕭郎且
放鳳簫閑。何處驂鸞。靜聽三弄霓裳罷。鳧飛斷。

愁裏闕山三十六宮天近。念奴却在人間。

劉過

字改之號龍洲以詩名江西厄於韋布放浪吳楚客食諸侯

嘉泰間劉改之至臨安時辛稼軒帥越聞其名遣介招之適以事不及行作書歸輅者因做辛體賦沁園春一詞併絨往云斗酒彘肩風雨渡江豈不快哉被香山居士約林和靖與東坡老駕勒吾回坡謂西湖正如西子淡粧濃抹臨照臺二人者都掉頭不顧只管傳盃白云天竺去來

看金壁崔嵬樓觀開。况一澗縈迂東西水。遠而
山南北。高下雲堆。迤曰不然。暗香疎影。何似孤
山先探梅。須晴去。訪稼軒未晚。且此徘徊。辛得
之大喜。致餽數百千。竟邀之去。館燕彌月。酬倡
疊疊。皆似之。逾喜。垂別。綢之千緡。曰以是爲求
田資。改之。歸竟蕩於酒。不問也。常自以此辭語
相臺。岳珂掀髯有得色。珂曰。詞語固佳。然恨無
刀圭藥療君。白日見鬼症耳。坐中烘堂一笑。

辛稼軒一日開宴張敬夫。其在坐時方進羊腰腎
羹適劉改之來見辛命賦之改之寒甚索酒酒
罷乞韻時飲酒手顫餘瀝流於懷因以流字爲
韻卽吟云拔毫已付筦城子。爛胃曾封關內侯。
歿後不知身外物也。隨樽俎伴風流。辛大喜共
嘗此羹席散敬夫邀至公廨求爲乃翁魏公發
幽潛之章卽題曰背水未成韓信陣。明星已殞
武侯軍。平生一點不平氣。化作祝融峯上雲。敬

夫爲之墮淚

開禧乙丑劉改之過京口時廣漢章以初升之東

陽黃幾叔機

數原王安世

遇

英伯

遊

皆寓是邦

暇日相與蹠奇吊古改之題多景樓有江流千古英雄淚山掩諸公富貴羞之句又長篇曰金焦兩山相對起不盡中流大江水一樓坐斷天中央收拾淮南數千里西風把酒閑來遊木葉漸脫人間秋關河景物異南北神京不見雙流

淚君不見王勃詞華能蓋世當時未遇庸人耳
翻然落托豫章游滕王閣中悲帝子又不見李
白才思真天人時人不省爲謫仙一朝放迹金
陵去鳳凰臺上望長安我今四海游將徧東歷
蘇杭西漢沔第一江山最上頭天地無人獨登
覽樓高意遠愁緒多樓乎樓乎奈爾何安得李
白與王勃名與此樓長突兀以初爲之大書囑
岳珂刻樓上會兵事起弗果

劉改之赴試別妾天仙子云別酒醺醺渾易醉。回
過頭來三十里。馬兒不住去如飛。行一憇來牽
一憇斷送殺人山共水。是則是功名終可喜。
不道思情拋得未。梅村雪店酒旗斜去也。是住
也是煩惱自家煩惱你。

有持山水扇面求劉改之題者爲賦行香子云佛
寺雲邊茅舍山前樹陰中酒旆低懸峯巒空翠
溪水清連只欠桃花欠沙鳥欠漁船無限風

煙景趣天然。最宜他隱者。盤旋何人村墅。若箇
林泉恰似。敬湖似。輞口似。斜川。

劉改之賦沁園春二首以咏美人之指甲與足咏
指甲云銷薄春冰。碾輕寒玉。漸長漸彎。見鳳鞵
泥汗。偎人強剔。龍涎香。斷撥火。輕翻。學撫瑤琴。
時時欲剪。更掬水魚鱗。波底寒纖。柔處試摘花
香。滿。鏤棗成斑。時將粉淚偷彈。記綰玉曾教
柳傳看。弄恩情。相着搔便。玉體歸期。暗數。畫徧。

闌干。每到相思。沉吟靜處。斜倚朱唇。皓齒間。風
流甚把。仙郎暗搯。莫放春閑。咏足云洛。浦凌波。
爲誰微步。輕塵暗生。記踏花芳徑。亂紅不損步。
苔。幽砌嫩綠。無痕。襯玉羅。慳銷金樣窄。載不起。
盈盈一段春嬉。游倦笑教人。欸捻微褪。些根
有時自度歌聲。悄不覺微尖。點拍頻。憶金蓮移
換。文鴛得侶。繡茵催袞。舞鳳輕分。懊恨深遮。牽
情半露。出沒風前。煙縷裙。知何似。似一鉤新月。

淺碧籠雲。

元人邵亨貞嘗嗣其體調以咏美人之眉與目咏眉云巧關彎環纖凝撫

媚明裝未收似江亭曉玩遙山拂翠宮簾暮捲
新月橫鈎掃黛濃金鉛評淺能畫張郎不自
由傷春倦爲皺多無力翻作嬌羞喚來不滿
橫秋蟀着得人間多少愁記魚箋緘啓背人偷
歛鴈鈿膠併運指輕揉有喜先占長顰難效柳
葉輕黃金在否雙尖鎖試臨鸞一展依舊風流
味目云漆點填眶鳳梢侵髮天然俊生記隔花
瞥見踈星炯炯倚闌凝注止水盈盈端正窺簾
曹騰並犹脾脫檀郎長是青端相久待媽然一
笑密意將成困酣曾被鶯驚強臨鏡按抄猶
未醒憶帳中親見似嬉羅密尊前相顧翻怕燈
明醉後着成歌闌闌弄幾度孜孜頻送情難忘
處是紋綃溫透別淡懸零

易祓

字彥章長沙人淳熙乙巳祓釋褐狀元
丁未湯壽為省元王容為狀元潭州建

坊三元

易彥章以優校為前廊久不歸其妻作一剪梅詞
寄云染淚修書寄彥章貪却前廊忘却回廊功
名成遂不還鄉石做心腸鐵做心腸紅日三
竿懶畫粧虛度韶光瘦損容光相思何日得成
雙羞對鴛鴦懶對鴛鴦

蘇師旦將建節學士顏棫莫子純皆莫肯當制易

彥章與師旦昵欣然願任責遂以國子司業兼
兩制爲師旦草麻極其諛佞至用前人舊對所
爲有文事有武備無智名無勇功者旣宣布物
論譁然亟擢彥章左司諫諸生爲之語曰陽城
毀裴延齡之麻由諫官而下遷於司業易被草
蘇師旦之制由司業而上擢於諫官旣而韓誅
蘇得罪彥章遂遠貶

李璧

字李璋。煮之子也。弟圭。
字季衣。蜀人。比之三蘇。

蜀中類試主司多私意與士人相約爲暗號李璧
兄弟皆以文名一時而律賦非所長鄉人侯姓
者以能賦稱因資之以潤色旣書卷不以示侯
侯頗疑之將出門故少留候李出而踵其後至
納卷所以小金牌與吏取視二李卷子策聯皆
白日射紅鸞羽風清白獸樽侯卽於己卷改用
之旣而皆中選二李謝注司主司問此二句何
爲又以與人二李恍然他日偶有所聞終身與

侯不協

徐淵子

號竹隱
天台人

徐淵子好以詩文諧謔。丁少詹與妻有違言，乃棄家居茶寮山。茹素誦經，日買海物放生。久而不歸，妻忘之。祈徐譬解，徐許諾。出門見賣老婆者，買一巨筐餉丁，併遺以阮郎歸詞云：茶寮山上。一頭陀。新來學者麼。蝸。蚌。蚌。與烏螺。知他放幾多。有一物似蜂窩。姓牙名老婆。雖然無。

奈得它何。如何放得它。丁見詞大笑而歸。

徐淵子初官戶曹。其長方以道學自高。每以輕銳抑之。適其長以母歿去官。淵子賦一剪梅詞云。道學從來不則聲。行也東銘。坐也西銘。爺娘成後更伶仃。也不看經。也不齋僧。却言淵子太狂生。行也輕輕。坐也輕輕。他年青史總無名。你也能亨。我也能亨。

徐淵子詩云。俸餘擬辦買山錢。却買端州古硯磚。

依舊被渠驅使在。買山之事定何年。後除直院。
劉改之賀啓云。以載鶴之船。載書八覲之清標。
如此移買山之錢。買硯平生之雅好。可知。

徐淵子九日詩云。衰容不似秋容好。坐上誰憐老。
孟嘉牢裹烏紗。莫吹却免教白髮見黃花。時一
朝士和云。呼兒爲我整烏紗。不是無心學孟嘉。
要摘金英滿頭插。明朝還是過時花。

徐淵子夜切廬山作小詞云。風緊浪花生。蛟吼鼉

鳴。家人睡着怕人驚。只有一翁桐虱坐。依約三更。雪又打殘燈。欲暗還明。有誰知我此時情。獨對梅花傾一盞。又詩成。

徐淵子晚歲得二子。戴石屏以詩賀曰。竹隱種竹知幾年。千竿萬竿長拂天。群飛不敢下樓止。常有清風凜凜然。丹穴飛來兩雛鳳。鳳來此竹爲之重。牙籤玉軸帶芸香。家藏萬卷爲渠用。人間豚犬不足多。我來爲作徐鄉二子歌。手傳竹隱

文章印看取他日官職高差哉

郢州有白雪樓唐時崔郢州館孟浩然于樓上遂
有浩然亭後人尊浩然改爲孟亭徐淵子與戴
石屏同登約各賦一詩必以宋玉石對莫愁村
徐詩云水落方成放牧坡水生還作浴鷗波春
風自共桃花笑秀色偏於麥壠多村號莫愁勞
想像石名宋玉漫摩挲試將有袴無襦曲翻作
陽春白雪歌戴詩云樓名白雪因詞勝千古江

山春雨餘宋玉遺蹤兩蒼石。莫愁居處一荒墟。
風橫烟艇客呼渡。水落沙洲人網魚。借問風流
賢太守。孟亭添得野夫無。

戴復古

字式之號石屏學詩於徐竹隱又登陸放翁之門者

戴石屏嘗見夕照映山峯巒重疊得句云夕陽山
外山自以爲奇欲以塵世夢中夢對之而不愜
意後行村中春雨方霽行潦縱橫得春水渡傍
渡之句以對上下始相稱

戴石屏織女詩云春蠶成絲復成絹。養得夏蠶重
剝繭。絹未脫軸擬輸官。繭未脫車圖贖典。一春
一夏爲蠶忙。織婦布衣仍布裳。有布得着猶自
可。今年無麻愁殺我。

戴石屏薄遊江西有富家翁愛其才以女妻之居
二三年忽欲作歸計妻問其故告以曾娶妻白
之父父怒妻宛曲解釋盡以奩具贈行仍餞以
一詞云惜多才。憐薄命。無計可留汝。揉碎花殘。恐

寫斷腸句。道傍楊柳依依千絲萬縷。抵不住一分愁緒。捉月盟言。不是夢中語。後回君若重來。不相忘處。把杯酒洗奴墳土。石屏旣別。遂赴水。

灰

世俗有諺。薛云孫飛虎好色。柳盜跖貪財。這賊牛兩般都愛石屏之謂也。

巖羽

字儀。卿號滄浪。戴石屏同時。其論詩。欲如那地。太子折骨。遂父折肉。遂母。

巖滄浪。聞笛詩云。江上誰家吹笛聲。月明霜白不堪聽。孤舟萬里瀟湘客。一夜歸心滿洞庭。

袁樵

宋時西湖三賢堂兩處皆有東坡其一在孤山竹閣三賢者白樂天林君復蘇子瞻也其一在龍井壽聖院三賢者趙閱道僧辯才蘇子瞻也寶慶間袁樵尹京移竹閣三賢祠於蘇堤建亭館以沽官酒或題詩云和靖東坡白樂天三人秋菊薦寒泉而今滿面生塵土却與官司赴酒錢袁聞之愧而止

姚鏞

字希聲剡人自號雪蓬戴石屏忘年友也

姚鑄判吉州以平寇論功不數年擢守章貢嘗令
畫工肖其像跨牛於澗谷間索郡人趙時習題
詩時習題云騎牛無笠又無策斷隴橫岡到處
過暖日暄風不常有前村雨晴却如何無何忤
帥臣以貪劾之時端平更化之初特重施行貶
衡陽人皆服時習先見

曹邇

字西士號東畝官待制與王萬郭磊
卿徐清叟俱赴直聲號嘉熙四年諫

曹東畝赴省試陸行良苦作紅窓迥詞自慰其足

云春闈期近也。望帝鄉。迢迢猶在天際。懊恨這一雙脚底。一日廝趕上五六十里。爭氣扶持我去轉得官歸。恁時賞你穿對朝靴。安排你在轎兒裡。更選對弓樣鞋。夜間伴你。

趙南仲以誅李全功見忌于鄭清臣。史揆每左右之。得留于朝。其後恢復事起。遂分委邊面。赴鎮之日。朝紳置酒以餞。適有呈綠竿伎者。曹東畝賦詩云。又被鑼聲送上竿。這番難似舊時難。勸

君着脚須教穩。多少傍人冷眼看。未幾師果不
競。

卓田

字稼翁建陽人
能賦馳聲

卓稼翁題蘇小樓辭云丈夫隻手把吳鉤。欲斷萬
人頭。因何鐵石打成心性。却爲花柔。君看項
籍并劉季。一怒使人愁。只因撞着虞姬戚氏。豪
氣都休。

卓稼翁送人赴上庠賦昭君怨曰千里功名岐路。

幾。緬。英。雄。草。履。八。座。與。三。台。箇。中。來。壯。士。寸。
心。如。鐵。有。淚。不。霑。離。別。劍。未。斬。樓。蘭。莫。空。還。

劉克莊

字潛夫號後村丞相
鄭清之奏賜進士出身

劉潛夫初學晚唐少時作十老詩其老將云昨解
兵符歸故里耳聽邊事幾番新。偶逢麾下來猶
識。欲說遼陽記不真。兒覓寶刀偏愛惜。奴吹蘆
管輒悲辛。夜寒不作關山夢。萬一君王起舊人。
老妓云籍中歌舞昔馳聲。憔悴猶存態與情。愛。

說舊官。當日寵偏呼狎客。小時名薄髮已脫。梳
難就。半被長空睡不成。却羨隣姬門戶熟。隔牆
張燭到天明。老儒云向來歲月雪螢邊。老去生
涯井臼前。舉孝焦科非復古。給靈壽杖定何年。
空蟠萬卷終無用。專巧三場恐未然。猶記兒時
聞緒論。白頭不敢負師傳。老史詩云。少讀刀筆
老尤工。舊貫新條問各通。關智固應雄鷲輩。論
年亦合作狙公。孫魁明有堪購處。包老嚴猶在。

套中祇恐閻羅難抹過。鐵鞭他日鬼臂紅。

鐵鞭打鬼

一 聲用章
子厚語

劉潛夫長相思詞云朝有時。暮有時。潮水猶知日
兩回。人生長別離。來有時。去有時。燕子猶知
社後歸。君行無定期。又風蕭蕭。雨蕭蕭。相送津
亭折柳條。春愁不自聊。烟迢迢。水迢迢。準擬
江邊駐畫橈。舟人頻報潮。

劉潛夫別意清平樂云休彈別鶴淚與絃俱落歡

事中年如水，薄懷抱那堪。作惡昨宵月，露高樓
今朝烟雨孤舟。除是無身方了。有身長有閑愁。
豫章有徐孺子亭，官司鬻民賣酒，其間劉潛夫題
詩云：孺子亭前插酒旗，遊人那解薦江離。白鷗
欲下還飛起，曾見當年解榻時。帥聞之，亟令住
賣。

劉後村書所見絕句云：新剝關黎頂，尚青滿村聽
講法。華經那知世有彌，天釋萬衲如雲座。下

又云刮膜良方直萬金國醫曾費一生心誰知
鑿髻携籃者也有盲人問點鍼又云黃童白叟
往來忙負鼓盲翁正作場次後是非誰管得滿
科聽說蔡中郎

王邁

字實之號臞卷蕭陽人
詩以爲元龍太白流人

王邁丁丑第四人及第劉後村賀啓云聲名早著
不數王香之無雙科目小低猶壓杜牧之第五
元化孕此五百年之間氣同輩立于九萬里之

下風。又云朱雲折檻諸公慙詩劔之言陽子哭
庭千載壯裂麻之語又贈之辭云天壤王郎數
人物方今第一談笑裡風霆驚坐雲烟生筆落
落元龍湖海氣琅琅董相天人策其重之如此
楊平舟棟以樞掾出守莆陽劉潛夫兄弟俱以史
官里居郡集寓公王雁軒遠戲之云大編修小
編修同赴編修之會潛夫云欲屬對不難不可
見怒王願聞之乃云前通判後通判但聞通判

之名蓋王允五得倅而不上云王又嘗折劉名

調之云十兄二十年前何其壯二十年後何其

不壯劉應之曰二兄二十年前何其遇二十年

後何其不遇

王同郡有林叔弓者亦善朝諱延平張又少負才其人眇小而好作

烏林以其名字作詩賦各一首朝之賦有云身材短小欠曹交六尺之長腹內空虛之劉人一

點之墨詩有云身分交兩段風使十橫斜文上元無分人前強出些

趙孟堅

字子固號彛齋居士寶慶初進士修雅博識人比米南宮

趙子固酷嗜法書多藏三代以來金石名蹟周公

謹嘗邀子固各攜所藏放舟湖上相與評賞飲
酣子固脫帽以酒晞髮箕踞歌離騷旁若無人
薄暮入西冷掠孤山艤棹茂樹間指林麓最幽
處瞪目絕叫曰此是洪谷子董北苑得意筆也

鄰舟數十皆驚歎以爲真謫仙人

用公謹名密
召齊之東作

書曰齊東野語後來杭居癸辛街書名癸辛雜
洪泗水出山東魯縣號泗水潛夫又嘗居華不
注之陽號弁陽老人以周
子窓前草不除號草窓

趙子固嘗得姜白石所藏定武不損本楔帖乘舟

夜沈而歸行至雲之昇山風起舟覆行李撲被
皆滄溺無餘子固方披濕衣立淺水中手持襖
帖語人曰蘭亭在此餘不足問也因題於卷首
云性命可輕至寶是保

龔孟錕

咸淳末慶元秋試兩浙運司幹官臨川龔孟錕爲
考官龔道出慈谿忽夢有人以盃湯飲之且作
四字於掌中曉起便覺目視眈眈及入院發策

第一道中誤以一祖十三宗爲十四宗于是士
子大闕徑排試官房舍悉遭箠辱至有負笈而
逝者龔偶得一兵負去而免劉制使良貴親至
院外撫諭遂權宜以策題第二道爲首篇續撰
其三父之始定于是好事者作隔聯云龔運幹
出題䟽脫以十三宗作十四宗劉制使下院調
停用第二道爲第一道明年秋度宗賓天于是
十四宗之語遂驗

度宗崩幼君諒陰榜第一名
王龍潭第二名路萬里三名

胡幼黃行都爲之語曰龍在潭飛不
得萬里路行不得幼而黃醫不得